

ATXILOTUAK

15 atxilotu

Hona hemen asteburuan eta atzo Ertzaintzak eta Guardia Zibilak atxilotuen zerrenda

ERTZAINZAK

IÑIGO GURIDI. Ertzaintzak Ordizian atxilotu zuen ostiral gauerdian Villabonako gaztea. ETako komando bateko liberatu izatea leporatzen dio Barne Sailak

EÑAUT LERMA. Igandean atxilotu zuten Asteasun. Balzak ETako kide izatea egotzi zion atzo, baina gurasoekin etxean zegoen atxilotu zutenean.

GUARDIA ZIBILAK

OLATZ GALARRAGA. Erreterian atxilotu zuten larunbat arratsaldean.

ANDER GARMENDIA. Donostiako Martutene auzoan atxilotu zuten larunbat arratsaldean.

SENDOA ETXAIZ. Donostiako Martutene auzoa atxilotu zuten, larunbatean.

NEREA GOIKOETXEA. A-15 autobian atxilotu zuten Iruñeatik Donostiara zihoala, larunbat arratsaldean.

OIHANA BERISTAIN. Aurrekoarekin batera atxilotu zuten, eta haren lehengusua da.

EIZMENE AIZPURUA. Donostiako Antigua auzoko Donosti Zarran atxilotu zuten. Aurreko bien kuadrila berekoa da.

EDURNE BELASKO. Tolosako bere etxean atxilotu zuten. Olatz Galarragaren laguna da.

MIREN OKARIZ. Belasko atxilotu zutenean haren etxean zegoen Tolosako ihauterietan ibili ostean, baina ez zuten atxilotu. Erreteriarako gazte hau arratsaldean Belaskoren berri izan asmoz berriro Tolosara zihoala atxilotu zuten.

PELLO GOIKOETXEA. Tolosatik Uztégira autoz zihoala atxilotu zuten Guardia Zibilak.

JUAN MANUEL ZUBILLAGA. Etxean atxilotu zuten, Arriben.

PAUL LIZARRIBAR. Donostiako Igaran auzoan atxilotu zuten, etxean.

ALBERTO LARRAÑAGA. Atzo atxilotu zuten Donostiako Amara Zaharra auzoan.

LEIRE GALLASTEGI. Donostiako Herrera auzoan atxilotu zuten, kalean, kalez jantzitakoek.

sartu zituzten eta hainbat buelta eman ostean errepidean utzi zituzten. Igande goizaldean ere Arriben Juan Manuel Zubillaga atxilotu zuten. Bertan oso bortizki jokatu zuten, eta etxean zen beste pertsona bati kolpeak eman zizkioten. Guardia zibilak, halaber, Uztégin Goikoe-txearen etxea miatzera joan zirenean, beste etxe batera sartu ziren, eta bertan gurasoak eta bi seme-alaba zeuden. Lurrean izan zituzten Guardia Zibilek, gertatuaz konturatu ziren arte.

Igande goizean Guardia Zibila Tolosako Rondilla kalean azaldu ziren, eta Edurne Belasko eraman zuten. Guardia Zibilak Tolosako ihauteri desfilea ere geldiarazi zuten, bertatik ateratzen baita. Belaskoren etxean bere lagun Miren Okariz zegoen, baina ez zuten atxilotu. Okariz Erreteriarara joan zen (bertakoa baita), eta ondoren lagunagatik kezkatuta berriro Tolosara zihoala atxilotu zuten. Arratsaldean bertan haren etxea miatzera joan ziren Erreteriarako Iztietara auzoan.

Igande arratsaldean Donostiako Igara auzoan Paul Lizarribar atxilotu zuten. Azkenik, atzo Donostiako Amara Zaharra auzoan Alberto Larrañaga atxilotu zuten eta Herrera auzoan Leire Gallastegi.

MIAKETAK



Ertzaintzak atzemandako armak erakutsi zituen atzo.

Armak eta ustezko helburuak

Iñigo Guridiri eta iragan ostiralean Gipuzkoan arakatutako hainbat etxebizitzatan atzemandako materiala erakutsi zuen atzo Ertzaintzak. Armen artean ibilgailuen kontrako Mekar 40 granadak, Mat 1949 subfusil bat, pistolak, Cetme fusil bat eta Arminius rebolber bat daude. 38 milimetroko 40 bala, kargadore ugari eta 9 milimetroko 20 bala ere erakutsi dituzte.

Desegindako taldeari hainbat atentatu egozten dizkio Ertzaintzak, hala nola, Jose Luis Lopez de Lacalleren hilketa, Sallent de Gallegon bi guardia zibilen hilketa, Nafarroan bonbapaz saiaturako atentatua, Txitxarro diskotekaren aurkako erasoa, Agredako Guardia Zibilaren kuartelaren aurkakoa eta azkenik, Zumarragako adin txikikoen zentroaren aurkako ekintza. Halaber, «berhala» agitekoak ziren lau atentatu eragotzi dituztela esan zuen atzo Javier Balzak.

Garcia Gaztelu eta Robidart espetxeratzeko agindu du Parisko instrukzio epaileak

H. G. | BAIONA

Javier Garcia Gaztelu eta Stephane Robidart espetxeratzeko agindu zuen atzo Parisko instrukzio epaile Laurence Leverttek. Yolanda Molina abokatua ondoan zutela arratseko bederatzietatik lekorat deklaratu zuten Parisko Justizia Jauregian, arratsalde osoa bertan iragan ondoren. Fresnesen espetxeratu dituzte.

Garcia Gaztelurik gaiztakin elkarteko kide izatea, paper faltsuak ukaitea eta armen legeria haustea leporatu zion epaileak. Stephane Robidarti, aldiz, gaiztakin elkarteko kide izatea egotzi zion. Heldu diren hilabeteetan auzia ukanen dute Pariseko Korrekazio Auzitegian, akusazio horientatik.

Garcia Gazteluk lehenagotik Pariseko Korrekzio Auzitegian zigorra zuen, joan den abenduan oraino atxiloturik ez zela ezarria. Korrekzio auzitegiak sei urteko presondagera kondenatu zuen orduan.

Ostegunean Angelun atxilotu zituen Frantziako Poliziak Garcia Gaztelu eta Robidart. Azken honen emaztea Hendaian atxilotu zuten eta larunbatean aske utzi zuten kargurik gabe. Pariserat eraman zituzten lehen biak.

Estradizio eskaera

Espainiako Entzutegi Nazionalako Fiskaltzak Garcia Gazteluren estradizioa eskatzeko ekimenak abia ditzaten eskatu die entzutegi horretako lau epaitegiri, lau hilketa delitugatik.

Gregorio Ordoñez PPko



Javier Garcia Gaztelu.

zinegotzia, Fernando Mugika buruzagi sozialista, Mariano de Juan Santa Maria infanteriako brigada eta Alfonso Morcillo sargentuaren hilketa egotzi dizkio Entzutegi Nazionalak Garcia Gazteluri. Lau hilketetan parte hartze zuzena izan zuela dio Entzutegi Nazionalak.

Garcia Gazteluk beste zortzi auzi ere baditu Entzutegi Nazionalen eta datozen asteetan Entzutegi Nazionalako fiskaliak betebeharrak egingen ditu Frantziari afera horietan estradizioaren galdegiteko.

Elkarretaratzeak Ipar Euskal Herrian

Bart arratsean elkarretaratzeak egin ziren Lapurdi, Nafarroa Beherea eta Zuberoako bederatzia herrietan, euskal presoen Euskal Herriratzea galdegiteko.

Hauteskunde kanpaina dela eta, presoen eskubideen aldeko plataformek euskal presoen Euskal Herriratzeari buruzko iritzia galdegina die hautagai guztiei.



BEASAINGO UDALA

IRAGARKIA

TOLOSAKO HILTEGI MANKOMUNATUA

Gai bakoitzaren espedientearen jasotzen diren azterketa eta iharduketa egokiak egin ondoren, Tolosako Hiltegi Mankomunitateko Plenoak 2001eko urtarrilaren 18an egindako batzaraldian erabaki zuen, Tolosako Hiltegi Mankomunitateak, zerbitzuak emateagatik 2001. urterako tarifak finkatzea.

Hartutako erabakia eta horretarako instruitu den espedientearen jendaurrean jartzen dira, Gipuzkoako Ondasun Lokalak erregulatzen dituen uztailaren 5eko 11/1989 Foru Arauko 16.1 artikuluan xedatutakoarekin bat, Gipuzkoako Aldizkari Ofizialean eta Tolosako Hiltegi Mankomunitateko iragarki taulan iragarki jarri eta, era berean, artikulua horretako 2. zenbakian exigitzen denaren arabera, Gipuzkoan hedapen handiena duen egunkarian, guzti hori ondoko arauari jarraituz:

a) Dokumentu horiek erakutsiko diren lekua: Mankomunitateko bulegoetan eta Beasaingo Udaleko Bulegoetan

b) Aztertzeko eta, kasua balitz, erreklamazioak egiteko epea: 30 lanegun Gipuzkoako Aldizkari Ofizialean iragarki hau argitara eman eta hurrengo lanegunetik hasita kontatzen eta bulego orduetan.

c) Erreklamatzeko legimitatuta daudenak: Uztailaren 5eko 11/1989 Foru Arauko 17. artikulua apaintzen dituenak.

d) Aurkezteko lekua: Mankomunitateko Bulegoetan edo Beasaingo Udaleko Sarrera Erregistro Orokorrean. Administrazio Prozedurari buruzko Legeko 66. artikulua seinalatzen dituen lekuetan ere aurkez daitezke.

e) Erreklamazioak aurkeztu behar zaizkion organua: Plenoa.

Inolako erreklamaziorik egin gabe informazio honen erregelamenduzko epea iragan denean, hartutako erabakiak eta adierazitako dokumentuak behin betirako onartutaz hartuko dira, beste erabakiren bat hartu beharrik gabe.

Beasainen 2001eko otsailaren 22an. Lehendakaria. Patxi Plazola.

EUSKO JAURLARITZA

GOBIERNO VASCO

INDUSTRIA, MERKATARITZA
ETA TURISMO SAILA

DEPARTAMENTO DE INDUSTRIA,
COMERCIO Y TURISMO

DURANGALDEKO MERKATAREI BILERA DEIA

Eguna: 2001-02-28.

Ordua: 15:00.

Tokia: Durango. Arte eta Historia Museoa.

Aztergaiak:

- Merkataritzari Laguntza Teknikoa emateko Kabinetearen aurkezpena.
- Kabineteak garatu behar dituen jarduerak.
- Merkataritzarako diru laguntzak.
- Kudeaketa Hobetzeko Egitasmoen aurkezpena.



Bermeoko Udala

IRAGARKIA

2000ko irailaren 11ean izandako Gobernu Batzordeak 46.3 Lurralde Areako Plan Bereziari (PERI) Txibitxiago lehenengo gasolindegia, hasierako onespena emotea erabaki dauanez gero, 16 eguneko epearen barruan egokiak liratekeen alegazioak egin ahal izateko, jendaurrean jartzen da.

Bermeen, 2001eko otsailaren 13an.
ALKATEA.